


上



菲泉先生存稿序

曹巖

先生稿藏於仲君獻功所若干年嘉靖
戊辰予寶由納言改司成而南受簡焉
將携以刻之白下緣初任未及也緘在
笥惟謹既而出視則傷於蠹蟻剝且蝕
殆盡矣痛惜久之仍謀於仲君蒐諸親
友間得其十者六七八仍歸予予今起
留曹逾十五載始刻而為之序序曰古

之為文者即童子時已嘗學而為詩則
唐人專設科取士故其時即以為舉子
業肄習之是以古人之文古其詩工傳
諸後可傳也若今人則不免妨功於舉
業既釋褐而登朝乃始學為古文詞後
時矣其間非卓有高才高志者莫或能
度越乎流輩甚矣詩文之可以傳者少
也先生弱冠登科逾七年舉進士兩試

並魁尚書生第二人是科中秘開選先
生燁然才又赫然聲名也竟不與而初
授得江西之奉新無何優調我丹陽奉
新之刁劇我丹陽之衝疲皆非所以處
賢者而先生身其任以孱弱之軀三四
年當刁劇衝疲之地簿書奔走無寧晷
猶時時動吟興操觚染翰言人所不能
言今讀其文賦本騷選為多其詩雜之

初盛唐多相肖如出水芙蓉鮮新可愛
令人把翫不去手先生有作者之才又
實有著述之高志使其得在詞林從容
諷詠成一家言傳於後即古應制敘事
記父明遠之作與發諸性靈颯颯乎為
唐聲者可比肩而並稱數也豈直為今
人之文而已哉惜乎高一世之才奪於
簿書奔走之勞煩而不得究其著述之

志其所就僅若此然即此為先生一斑
可傳諸身後其精光亦自不磨矣先生
在任時諸生多及門受業予丁姜兩氏
子丁如一敬一道姜如仲兄寀再從兄
麓多先生所許可而予寶與丁兄少鶴
名一中者則尤師門白眉每試迭相首
次每亦蒙期待許以遠到者也寶今得
以先生教諸生中最緣幸而叨冒少鶴

兄嘗仕至地官大夫今得請而致其事
他亦並為州守邑令與府衛之師儒皆
先生所造就先生之稿名存稿以有遺
失者乃寶之罪其蒐輯以傳則仲君之
功而亦予寶所以報先生之一念也初
約少鶴兄同為序待父之未就也予寶
輒先述梗槩為糠秕之引以俟云
萬曆丙戌夏六月既望

賜進士出身資善大夫南京刑部尚書前
吏刑二部右侍郎南太常卿國子祭酒
福建四川按察司副使僉事奉

勅督視兩省學政翰林

國史編修門人丹陽姜寶頓首拜書



而褒揚前哲此古今韻事吾宗之責而太
素奮臂行之不疑於此不無慕悌之心雖
然古今韻事當與勦力焉念先曾大父雲
莊公與先生鴈行也高大父靜庵公於地
之龍潭構書屋數楹景物染綴天人交勝
所游咏皆當代名公而先生之手跡爲多

如雲莊公兩槐書屋記固已刻入前集茲
有龍潭十咏墨澤如新自高大父而下及
先君數代捧爲拱璧丁運多艱家業付之
祖龍此卷端然出自烈焰中意亦數代珍
惜之神所護與因值茲役展卷共閱不獨
龍跳虎臥之跡蛟騰鳳起之章爛焉在目

而當年流連賞玩于啣酌酢光景如或見
之手錄珍寄以當狐之一白夫煒家歷代
什襲而太素一朝公而播之卽十味便足
爲先生不朽况太素之所懸購者多多乎
太素固先生之孫壻也是役也可謂親親
矣可謂賢賢矣

崇禎柒年歲甲戌秋從孫方煒拜手書



序菲泉先生全稿

吾鄉來菲泉先生天下才也至今縉紳
先生及鄉之童穉譚其軼事用相詫
歎其為文如海濤迎風一發萬里大小
畢浮而無穢滓又如良玉溫溫不飾而澤
清廟明堂廼得用之雖年不滿強仕早

賦玉樓而聲稱赫然已震天下凡屬
先生之桃李比之皆名君子云方先生鳴
琴雲陽而鳳阿姜先生時方齟齬就
童子試先生即以小翰林相呼而時名課
之榮禮有加鳳阿先生以此位及冢宰而
姜遂為雲陽巨族甲第蟬聯鶴起先

生亦可謂知人能得士矣故先生之騎
白雲也茅鹿門先生為之置遺產而
鳳阿先生為之刺存稿蓋先生收多
名士而兩人之啣恩為尤深藁箬笥中
久之見侵于蠹千載斷碑人膾炙亦正
恐千載斷碑人不識耳小子敷忝及薦

羅因刻續集八卷併其前所刻者而
整理之且以誌菲泉先生與鳳阿先生
相遇之奇相知之深以為千秋盛事
崇禎甲戌八月潮日孫壻何汝敷拜序



菲泉先生存稿目錄

卷之一

詩

四言古

懷歸

五言古

任奉新留別周子亮於京師四首

白珠篇

高樓照明鏡戲贈聞直中源用姜希申良翰韻

對鏡

美身存和
戊婦愁

贈豐城郭希顏年丈

河堤曲

題鳳

得友人消息

琴德爲陳兄訪

七言古

南野行

賦南莊兄菜園

青牛老子出關詞賦贈胡年伯

詠宋弘曲二首

五言律

送錢八山北上

秋日懷林子仁

舟中對傅觀蒙次韻

潞河夜發呈傅少巖年丈

暮春同太衡山人對雪

秋夜有懷侄德仲兼柬程二十七司勳

臨清懷南太守錢年伯

書呂芝山年伯卷

留別郭弟

懷郭弟

贈別周潤夫

懷屠道南兄

滄州吳太守試諸生席上有作

春日與同年出遊雩壇忽憶周推守莊亭之勝

徐州思與錢汝載氏訪許子春泰山不果

題曹二守靜菴卷

題菽田卷

四明發舟次姚江遇楊汝鳴

贈青門沈仕

坐小樓有懷王會溪

嘉興贈薛十九

贈別廖叔里

烹茶

蘭階遙祝爲王檢校之子賦

送朱呆木之官八桂

贈縣尉王文質

代汝雨弟作贈朱五雲

與希禹共談易

冬日有懷白湖書莊

仲冬寄黃時舉二首

賓竹

明州僧有號月庭者詩以贈之

送陸生集

暮登虎丘有懷俞舜才弟

維揚泊州懷舜才俞子

立春過揚子江懷俞舜才

過揚子橋懷泉亭俞季子

瀕行寄別俞一真

將之京別俞舜才梓湖二首

思母

端午奉懷誠軒叔父

丹陽見月懷誠軒叔新建樓房

乙酉歲七夕同雪崖兄過龍門叔祖書舍夜酌

因同宿

七夕寫懷

八月十三夜月

中秋夜月

月夜江上聞簫

滄瀛舟中同少巖對月

滄瀛再成

懷子明弟

冬日與子旦弟同渡江

懷子發弟

再賦奉懷子發弟

舟次曹江懷汝雨弟

懷汝雨作泉弟

下江而非有懷子旦子發汝雨

贈子見弟筴山

荏峰叔應試賦以贈之

少宛弟主椽省中書此以贈

南旺

來自京與諸兄弟出游冠山呈雪崖兄

過南館喜呈耻齋叔父

懷羅垣叔

易州戲呈羅垣

憶從弟二首

懷友人楊丹泉二首

不樂有懷

聞報

兩湖二首

出郊

濟寧夜泊

宿康山田家

登蜀岡

過漢王廟

過歌風臺二首

仙臺觀

詠古

王昭君

戍婦

過滕村姜氏贈西軒三溪二春元

螢

燈蛾

失火

挽王理之

過上虞徐世庸墓奠用隻鷄

憶亾友洪十六洽五首

五言律十句

不寐留別仲莊姪

臨沼

五言絕句

懷諸弟

吳江夜泊

儀真

出門

卷之二

詩

七言律

懷萬五溪宗師

奉寄江貞齋老師

別傅少巖年兄令廬陵

蕭梅谷治敝邑有贈

寶應湖上有懷天柱蕭勉青崖沈鍊

懷子同包節

送劉經府歸四明

贈胡巨卿令樂安

月夕飲餞邵二尹宅

度金山兼柬姜廷善茂才

遊金山寺

過淮寄姜廷善茂才

冬日七里橋有懷丁茂才庸卿相期會於舟次
懷陸集兄弟兼簡茅順甫

仲秋與陸元成趙繼功登冠山

登滄瀛樓懷俞季子

寄屠道南一首

懷洪十六洽

滕王閣夜別沈子翰

懷任子直

南風侑采爲李東瀛賦

懷朱朝儀

早起用韻答朱朝儀

題蔣春江冊

喜與馬子章同舟至河西務有作

灤縣見方上舍純佑有懷所知

夜登龍陽山懷友人王會溪一首

水亭叔祖因訪予之便且遊白門將歸新宅有

贈

眉軒伯勸置田宅詩以答之

書了溪叔讀書處

閨門夜泊叔蘿垣沽酒飲余賦此

贈南莊兄

春夜書懷呈雪崖兄

渡江寄子旦子發汝雨諸弟

與子高子發夜歸

子發讀書嚴陵

懷仲莊二姪

寓南莊懷海山兄

雪崖兄出韻試作二首

謁禹廟

謁嚴光祠

謁武穆廟

展親墓

春日經漂母祠二首

喜祥望麒麟臺有感三首

戲馬臺

首夏出郊

八月十五德州見月

望月二首

美身存稿
目錄
江寺祈雨有應

早達瓜州

冬日從儀真入江

登虎丘

賀傅竹亭新樓

詠黃鶯

詠蟬二首

觀戲

七言絕句

夏日丁庸卿茂才見過竹齋對話

秋日送丁庸卿應試

畫馬題贈袁國子兩峰

贈姜西軒

送丹陽八生入泮

贈大程

贈小程

贈許長卿昆玉

偶述

樂川卷

房村懷蕭汝行兄弟予受業於靜菴先生

別懋明王會溪

淮河別許岳

寄朱十八袍

過陽穀縣賦此

贈王典史奎

與少明詩二首

出都城懷周子亮二首

與諸同志宿吳從本竹山精舍夜談五首

奉寄石厓叔祖

湯滄洲來領賦此為贈

書六泉卷

獨鯉朝天贈海山兄

觀潮賦贈文峰叔

作泉卷二首

寄了溪叔三首

寄雪厓兄和解眉軒蘿垣二伯父

潘水海山二兄丁外艱

寄眉軒伯

寄靜菴伯

見月

題江寺僧卷

過觀音山

宮詞三首

穎川別少弟二首

贈柴畫工

題馮筴竹舍四首

題南莊兄四景

春鳥櫻桃

黃鸚夏桃

喜鵲石榴

鸚鵡荔枝

莧瓜

薑芥

茄蘿

冬菜

書潘水兄夢藕卷八首有小序

卷之三

文

絳桃賦

後絳桃賦

青龍橋賦有序

棟塘問答

石源頌

洪西淙先生入覲幃辭

孔東原先生考績幃辭

鶴鵠原記

懷椿堂記

雲莊記

兩槐書屋記

習齋記

紹義橋記

查正丁糧格冊記

卷之四

文

武侯心書序

杜律選註序

黃詩內篇序

溥天澤錄後序

竹塘黃氏族譜序

刻遊燕稿

少巖雅義序

西淙群伯入覲序

送五山陳先生復命北上序

送大郡伯三溪莊老先生考績序

送別駕兌山劉先生奉表

京師兼上績序

送沈青田先生歸山陰序

送鴻臚李君遷麻城少尹序

姚侯獎序

贈縣尉王文質獎序

贈朱朝儀義合序

敘鄉會

張君耆壽榮封序

胡翁章令金壽序

贈潯州別駕王公八十壽序

卷之五

書

上二槐沈先生一

上二槐沈先生二

上六峯李公

上瑞石江公

上歛齋蔡公

上實齋陳公

上靜思張公

上龍門叔祖

與周子亮

與包子同

與孫右文

與舜才舜卿

與茅順甫

與姜廷善一

與姜廷善二

簡眉軒誠軒伯叔二父

簡眉軒伯父一

簡眉軒伯父二

簡眉軒伯父三

簡眉軒伯父四

簡眉軒伯父五

簡作泉弟

簡子旦弟

簡汝雨弟

卷之六

文

先妣淳孝紀實

武庫余公行實

草亭處士束翁行狀

元春先生墓誌銘

查處士墓誌銘代作

伯父剛毅處士墓誌銘

叔祖母慈淑孺人黃氏墓誌銘

明故淑宜孺人來母黃氏墓誌銘

趙子忠墓表

卷之七

文

桃源傳

黃氏嫂傳

眉州孫文懿公事蹟

書奉新胡氏繼嗣分書後

書四好銘後

棟塘集跋五音

永生解壽王母令人

戒詞

賓言

諭民出田文

祛蝗文

祭鄉賢文

祭名宦文

祭魁星土地神文

祭郡伯鄭老先生文

祭一齋文

祭光祿伯祖文

祭孫母周令人文

祭曾叔祖母蔣孺人文

祭節婦文

祭姚母文

祭封給事中木翁睦君文

卷之八

文

自古臣子執威權未有無禍者論

三子定交論

海山兄字邦仁說

宗弟弘肅改字汝雨說

宗弟弘順字汝百說

嶽評

刻漢壽亭侯篆

麥舟橋箴有序

魁星像贊

珪公像贊

謙公像贊

牙筆筒銘

硯銘

姜廷善硯銘

五星硯銘

附

明禮部精膳司主事菲泉來君墓誌銘

菲泉先生誣枉記

目錄上卷終

身存稿目錄

菲泉先生存稿卷之一

詩

門人 丹陽姜寶刊 男 獻策 獻功蒐錄
歸安茅坤校 孫婿何汝敷 重校刊

四言古

懷歸

爰想白湖我心悠悠嘉穡在甸芳草盈疇魚响其沫
鳥宅繁幽五月清涼踈野鮮傳雉雒於畝麥秀油油
二仲徐來青蔬款留仰天吾醉取蔭一丘落煦映裳
放歌言休忘境偕適怡神苑游真寢不夢真覺無憂
今夕何夕滯此遠遊抑志從俗昧昧不售引泉泛觴

高流眷言風駕浮舟夷猶仙藥常采服之無尤
體肌媿玉同此素修

五言古

任奉新留別周子亮於京師四首

忽忽思舊侶年芳日爲催露草淒寒蟄感念良足哀
寶書自南至濯手臨風開蘭蓀披清馥朱耀凌崔嵬
期我絡驄馬並上黃金臺

其二

珠華覆珍樹結交各有因清風發玄渚悠然契吾心
高情苦分索戢景歸故林振衣金庭阜送晴湘水陰

端坐默無言俛仰懷所欽安得南飛鴻遺我以好音

其三

發櫂潞河涯之官江漢漬念與子爲別慨慷仍酸辛
涼飈舞玄髮黃流照青春君子懷國琛用俾風俗淳
願因朱弦發一一爲我陳服之出元化營營思反身

其四

釋褐宣父堂聚首承明厦委病三月餘短髮不可把
掩戶有玄思卑棲俊游寡念子幽蘊深雄言薄稷下
朝飡丹霞英夕宿鴻雲野遠人抱貞志梁園植梧櫟
世俗憐榮光虛簷躍野馬滂也獨何人爲君奏爾雅

白珠篇

出門愛春華行行畏沾塗路中逢美人贈我雙白珠
綴之衣縫間晶光宛相如懷珠思美人佇立野踟躕
塵波勿坐久炭穴鮮不汗丈夫無時遊方國安可拘
莫遺贈者傷秘寶以令圖

高樓照明鏡戲贈聞直中源用姜希申良翰韻

高樓照明鏡彷彿青翠衣樓前結珠屏宛曲辭諸姬
越州一萬里道路阻且疑豈不念父母早謀君子依
南膠得遐想江沱有真期緩步出珠房無為辛苦啗
三日織一縑頻頻手中絲絲線日已長絲羅日已宜

對鏡

寶鏡懸秋空輝輝似明月明月虛復盈鏡影常不缺
念昔長安道衣帶向君結出門一對之浮埃遠相絕
盛以紫金囊皎皎天光發豈惟燭形體將以照毛髮
毛髮苟不齊上帝有明罰所以劉元城貞心永如鐵

戍婦愁

年少輕別離從軍嬰禍羅寒衣罷刀尺送君出山阿
拔刀試雞豚刀口未曾磨戰敗當歸來望望門前河
見君不忍羞膏沐頻媿媿連雞誓相守而無同風波
豈知未一朝徵吏已相過胡虜防秋來行行重荷戈

君去一回顧賤妾涕滂沱贈君雙鴛鴦君心當如何
贈豐城郭希顏年丈

郭子生知姿天然發奇秀吐符從精元初學自神茂
錯錯黃金刀搖搖寶珠圓迢迢房駟星明明朱鳥味
巍巍童子科咄咄史官讀張華忽不逢劍氣但仍舊
昭明上帝心篤材哩申又東膠江濱持德進中心厚
龍翔亦有時不身非所咎瞻仰臨川翁康衢願馳驟

河堤曲

河堤被香草十里發青陰春雨應時節孤根留至今
呼童摘香草佩服難具陳朝發吳市門暮登日下津

臨風自把玩還以奉當心枝葉豈不貴化作陌上塵
摘草先摘根結交先結心所以晏平仲俯仰平生親

題鳳

丹山有一鳥間出超凡雛文采真殊絕含靈棲碧梧
由來聖人瑞非晚鳴神都朝陽一宣韻四海稱無虞
時有知音者於飛止丘隅嚶嚶向喬木調舌東風初
鳴世亦以類仙凡恐殊途噦噦不可及羞愧當何如
古道苟相同千里共衣繻願附丹山翼慎勿隔叅墟
得友人消息

河白蛟冰斷杉青豹霧開故人何處住書信下琴臺

琴臺零落梅花片江國春風曾幾見司馬先生愁思
昏煎茶不熟江水渾

琴德爲陳兄訪

琴德媚君子龍凰叅玉徽清商忽淹至蠶絲理殘暉
濟陰香樹生沈寥江陵孤日同見招援琴無言立清
宵漆園出吏無所逃

七言古

南野行

南野先生何所求雲中孤鶴橫清秋衣裳杲杲白日
色樓閣卜里通僊丘僊丘有人採瑤草萬戶鱗鱗天

正曉池塘變見春鯉飛獨在堯風接熙皞化工真意
誰本初年年燕子語模糊已將補塞付田畷黃雲麥
熟歌烏烏隔簾花影誰當局一榻新涼動青竹兒童
賣酒二仲來拄杖從容動心目水光上下玄鷺歸千
點萬點相徘徊洞頭煙遠亂蜂紫但聞石室鳴輕雷
赤立懸經向牛角雪團深淪龍塘涸短節擊石問青
天當年不讓濠梁樂東家西家竹笛吹起隨明月分
清暉仲尼白髮世所羨况復高抱通交梨乾坤不改
蘊黃白元功千載稱伶伯僊窟春露千樹桃蜂房分
自丹砂域

賦南莊兄菜圖

青雲壓徑生綃裏萬葉嚴霜落香紫南莊山人白幘
高笑拄鳩筇共山水此時繁花不並株齊煙千里草
色蕪勝事真傳汪信民竹房掩戶秋雨踈有蔡太守
十年不變色之長縷有趙奉議九日不出戶之蒲菰
夕陽放苗綠泚泚青楓白葦皆殊死惟有先生得大
觀生意滿目誰當此稻梁將熟涼鴈來平生心賞真
悠哉掀髯一笑意相會上凌霄漢下蓬萊園丁株守
苦不足數畝耕鋤空碌碌先生本無避世心春雨桃
花對平陸湘湖東西鱸鱖肥滿山黃犢秋淒淒呼童
半割翠條去黃雞白酒時相宜珠璣玉麝時爭長燕
舞鸞迴亦兩兩曾中直與雲夢寬雙鬢青天惟撫掌
燕山五桂游太荒上帝命爾司文章只今黎庶盡菜
色定有元術回春陽識板神丁千牛力筠籠擷爾歸
天室湘之璠厨供大官廟中羞品神明逆此時南莊
清玉叢詩懷酒思時從容坐看兒孫璜璋姿綸巾倒
着日正中

青牛老子出關詞賦贈胡年伯

黃龍老子織霞裳獨立物表行文章上從七辰闕混
沌下與百谷分侯王爾來一萬八千歲周流消息誰

所當周王御極降觀下方海嶽陰陽時莫淳光金滕
玉檢發竒秘東房西序時開藏昭王金車去不返皇
圖伯術相推挽江漢愁生問水濱叅差秦樹阿城晚
此時神遊函谷東龍鱗照耀回雙瞳流沙望望近弱
水崑崙月窟高摩空軒轅遠越誰爲駕元精出地青
牛化吾令羲和驅逐之揮肱一叱通夷夏人間令尹
徒爾知關門紫氣浮紅霓至人潛行故無迹冰垂瓜
守橫相疑八表茫茫有無裏漢陰河上非吾里阿陵
高低雙蟻丘溟渤盈虧一杯水唐敦殷彛空復情含
靈久待天下清垂肩笑倚白鳩杖紅陽舞動天雞鳴

太蒙之樂太平之西苗竹作鎮雲蒸煙霏湖光夾鏡
鳶魚所飛秦望高高入天尺朱明白歲時暉暉有秦
皇帝五百童男女採不得之靈藥鮫人夜吐光陸離
之珠璣麒麟生疾足鳳鳥修其儀芝窓飽厭靈丹粒
蘭華匝地春雲濕笑引南山作壽杯酒史盡把滄溟
吸我乘一騎遊化宮望見老子雲之中騰身俛仰金
鶴鏡許我眉睫追皇風試向豐隆借霹靂高空淨掃
浮雲跡便跨青牛乘太虛丈夫不作塵埃客

詠宋弘曲二首

都下富人欲以妹妾予余三辭而彼意益堅

因賦此以謝

湖陽宮中鴛瓦薄凜凜冰膚夜生粟朝來傅粉朝君
王玉袖銀屏觀宋郎糟糠之妻無所厭憂樂同心臣
不賤桑葉陰陰清晝晡至今人恨魯秋胡

臣不易妻臣不易妻譬彼鳥獸並蔭同棲合殿春陰
宮漏遲徘徊睇臣臣心疑君王家防漸漸高請勿更
露屏間衣

五言律

送錢八山北上

彩服趨庭早文珪向闕遲春乘青雀舫秋過白雲司

麗藻曾驚眼清時喜論思行看逢羽獵同上子虛詞

秋日懷林子仁

秋日凌虛閣端懷靜者流錦鱗飛玉海赤羽下瓊丘
峻聳真殊俗狂踈耻並游江寒斷狂鴈南望濟川舟
舟中對傅觀蒙次韻

芳日珠簾曉條風玉宇春人從仙闕下舟與少微隣
川暖迴波麗花明離樹新願期崇令伐青髮媚堯辰
潞河夜發呈傅少巖年丈

北極朝初散南舟願不違花程春自媚玉燭晚同輝
風煖鳧迎棹湖虛月動衣俄聞鶯韻轉各抱鳳簫歸

暮春同太衡山人對雪

朝雲迷遠道夕雪灑虛堂
漸逐瑤空去還連玉塞長
河柳耽春寂林花逗晚香
同爲越中調搖落對他鄉
秋夜有懷姪德仲兼柬程二十七司勳

天際芙蓉閣輕雲曳紫桐
豈知湖海上猶有未歸鴻
淒切舵樓雨遲回木杙風
惟餘程叔子秋興入鴻濛

臨清懷南太守錢年伯

澤國逢龍節衣冠接鳳雛
賢名收太史風采見蠻奴
眷注黃金鼎頻煩赤玉符
晏殊渾忘酒何故問津夫

書呂芝山年伯卷

石閣通雲霧瑤芝爛有輝
卽招園綺飲誰羨首陽薇
瑞色霏朝靄幽芳靜晚暉
談玄足清事相對欲忘歸

留別郭弟

平生金石友吾慕郭林宗
忽漫乘船去相望涕淚同
龍蛇九淵窟鶯燕萬花叢
巾角從人問風塵雙鬢蓬

懷郭弟

郭弟清江外來生落鴈邊
望家心獨喜見月爲憐
時序虛前度文詞入妙年
寄將雙玉案結佩向堯天
贈別周潤夫

石厓吾知己殊方有弟昆
竒標憐我並高義賴君存

龍拙緣多病端憂切至尊如何秋雨後雙鳥背城分
懷屠道南兄

懷我屠夫子黃花獨舉盃見山知應對遷影亦徘徊
得謂浮沙動英文奕漢回冠山能幾里還望抱琴來
滄州吳太守試諸生席上有作

醋帥爲郡日海岳驚竒勛瀕水招予飲諸生盡樂群
文皇乘氣候向日迥秋陰禮樂匡時政風裁見守臣
春日與同年出遊雲壇忽憶周推守莊亭之勝
燕對時通夕懸情數寄書風雲逢令節花事憶仙居
樓迥春巢燕池晴畫出魚江雲今遲爾川日正愁余

徐州思與錢汝載氏訪許子春泰山不果

江上逢錢起霞冠披玉繩浮杯夜塘月結佩水雲城
泰岳思尋道燕臺想邁程何時奮長屐抱日俯東瀛
題曹二守靜菴卷

物意欣將老生涯慰獨居青山時隱几白日就編書
道德天光發虛潛大易初未應推墨守吾已察鳶魚
題菽田卷

海日晴搖樹江星夕散苗溺耕非避世巢耳亦知堯
卉服淹竒節官租荅聖朝惟應呼二仲農事及春饒
四明發舟次姚江遇楊汝鳴

夕眺州城遠維舟夏木清雨幃翻燕子風荇立蜻蜒
暑挹冰盤潤涼分羽扇輕水深楊子宅共草太玄經

贈青門沈仕

役役何所至行歲媿不如風塵知逸足江海有洪儒
未見交游久相逢歲月虛錢塘多勝地歸去共編書
坐小樓有懷王會溪

鸚鵡鳴樓閣心神忽到君苔深寒寺雨樓動短橋春
避鬼豪陰發開星寶劍文牀頭有新酒明月過衡門

嘉興贈薛十九

苦霧樓居濕深冰舟楫遲江湖聊自得出處待人知

嗜酒忘爲客孤燈偶在斯河東有鳴鳳心賞未相離

贈別廖叔里

廖子乘船去吾行可卜隣即觀彭蠡澤先入洞庭津
春樹迷雲遠晴花接境新天王務嘉穀農事各須珍

烹茶

仙竈分丹壑神泉引玉津雲流千室靜風散百花春
解性消凡想參玄列上賓亭虛下雙鶴亦復會吾真

蘭階遙祝爲王檢校之子賦

佩芳思往訓負笈顧今違室靜香逾遠天高思獨歸
望隨相樹渺拜藉曙星飛越絕蘭亭迥諸王意不微

送朱呆木之官八桂

潞水蕩新波行行李爾何朗吟宵月白搔首晚雲過
春滿蓮花蓆秋登桂子坡江山如助興官路不嫌多
贈縣尉王文質

蒸雲海際上明星亦炎光露行草沒車驅馳一何忙
風燭燃復滅征吏呼周章寄問同心者勞役應自傷

代汝雨弟作贈朱五雲

筆錄從東見長游造化工鳶魚能自察桃李不言功
宵雅通鄒魯遐思起華嵩青燈頻細雨天地問童蒙
與希禹共談易

孝子不知暑狂夫豈好名偶來芳樹下高論忽風生
魚出萍陰合螢歸草色明京華依北斗瞻望一關情

冬日有懷白湖書莊

幾憶游觀地真成典籍居水甘魚性忘竹茂鳥情踈
川野從吾好霞霄寄所如終期知稼穡超覽有生初
仲冬寄黃時舉二首

偶然吹鐵笛明月故城虛燈下見孤影窓前開舊書
亂雲徐孺榻流水少陵廬握粟歸期遠客衣瞻望餘

其二

封扇寄夫子客亭月正寒豈無千里夢還有半年閒

江北冰山厚江南雪樹聯春風願隨手三日到人間
賓竹

有美山人與清標集衆歸十年結心賞相對托光輝
踈朗忘為禮軒楹赴不違月明吾隱几搖落淨暉暉
明州僧有號月庭者詩以贈之

杳杳栖叢桂輝輝度廣庭裳侵秋露濕坐對石泉冷
玉磬雲端出珠幢海際明性冲甘寂滅啜茗有餘情

送陸生集

仗劍出春明春光浮鳳城玉河金柳弱華第錦雲生
意氣稽中散羈栖杜少陵未須憐去住吾道自平生

暮登虎丘有懷俞舜才弟

秉燭真高興春風萬里涂講臺留石磴文筆照浮屠
江漢通吳會星辰入太湖他鄉難此夜天地寄真吾
維揚泊舟懷舜才俞子

淮海嗟予季城東有國園五雲天漢近千里客星懸
幽夢頻相見雄談愧未緣明朝寄春信桃李欲漫漫
立春過揚子江懷俞舜才

客路忻時序衣冠此壯游聖朝開景運今日報春籌
舟楫風雲便江波日月浮獨憐鴻鴈影不得顧南洲

過揚子橋懷泉亭俞季子

招招復招招孤舟揚子橋江鳥自來去風雪何蕭條
樓閣望不極槩櫓心俱搖照鏡生白髮無言立青宵
瀕行寄別俞一真

秋氣通雲水江流下驛亭明時逢祭酒吾道戒晨星
照映粉榆杜游觀山海經亦知添旅况不敢報家丁
將之京別俞舜才梓湖二首

別汝都門去悲歌涕泗加斷鴻征海國寒月蕩江沙
紫極森天象金門麗日華殷勤煩驛使春信托梅花

其二

辭汝都門去西興古渡船星辰占魏闕湖海盡堯天

不着家緣薄翻愁別思無知君頻問信骨肉越江邊
思母

未及毛生檄徒懸滂母心林壇冬日秘儀想朔風陰
短夢時相見靈思恍欲臨何由追哺乳肌髮愧凡禽
端午奉懷誠軒叔父

此地端陽節龍岡罷草堂景光憐大母氣義憶中郎
佳况遙相得攤書不在傍謝玄今老大莫問紫羅囊
丹陽見月懷誠軒叔新建樓房

樓中端正月今日向誰明蘭甸迴千里芳雲知幾層
天涯時佩蒞春服况新成負約不同賞迢迢江水盈

乙酉歲七夕同雪崖兄過龍門叔祖書舍夜酌
因同宿

燈下偶相過尊前動浩歌
鵠原明月滿牛渚小星多
詩尚唐音律文留漢講磨
要歸歸不得三鳳擬同科
七夕寫懷

織闕分牛渚機絲引鳳初
未緣天路遠似與帝期踈
意逼珠津渺神棲玉殿虛
爲橋那可度空自怨居諸
八月十三夜月

度影芳華淨流輝若木清
九霄如有待萬里獨含情
雲薄知葳巧江虛不受盈
遙憐天外意多傍鳳凰城

中秋夜月

今夜中秋月相看意倍親
芳華融水鏡靜影絕纖塵
歷歷隨青髮輝輝入要津
浩歌應渙發高興欲凌雲
月夜江上聞簫

雅響林端起輕舟夜半聞
隨風纔窈窕逐霧已氤氳
樹渺珠華散波翻玉調分
仙人不可望知是隔青雲
倉瀛舟中同少巖對月

圓景澄春夕高暉媚遠空
盈盈疑赴水汎汎欲乘風
霧表星同麗河源路可通
誰能爲玉檜長此伴珠宮
滄瀛再成

歷覽心無際滄茫興亦迂拾錢供佛喜歸櫂喚僧俱
水國行諸夏江流鏡一區翻然出京口雞犬自桑榆
懷子明弟

客况青山寺幽期及郡鍾數星天漢近照水露華溶
酒用山人拙書開愛弟封龍岡亦森爽愁思反從容
冬日與子旦弟同渡江

客裏欣聯玉舟行但信風錦雲雙鳥遠珠闕片帆通
尹日流虛甸郎星接上宮才踈愧拙政翹首向青龍

懷子發弟

錯莫羞爲客端陽羨爾歸燈花應自語江路不能飛

白鴈傳書到朱光蕩酒卮未湏勞夢寐池草足相依

再賦奉懷子發弟

森爽堪吾侶飄零負爾歸燈花春點點蘋草思依依

白鴈徵書遠朱光蕩酒遲那能成一笑幽意逐江飛

舟次曹江懷汝雨弟

度雨曹江晚沾沾正憶君穆生非爲酒杜甫只看雲
鴈足堪傳信鷗情不亂群團團綠枝遠何日共論文

懷汝雨作泉弟

江臯旦搖落思望獨憐渠被髮緣同室含情愧岨虛
祇應相燕喜不可遂馳驅威鳳祥麟意亭亭豈負余

下江而北有懷子旦子發汝雨

半月疑顏色愁來不可揮寡尤仍祿在避色顧時違

土俗隨宜過家園入望微支離失朝晏豆粥照江稀

贈子見弟筴山

眼底多兒子能文總不群自矜遊冶絕人敬譽言均

唾手春江宴高擡水國門吾宗日杲杲總角看光分

荏峰叔應試賦以贈之

賢路平如掌仙舟爾順流水紆涼月動景迫大星浮

湖海生豪色衣冠識俊游春風先借兆同過曲江樓

少死知上椽省中書此以贈

三月吾宗彦公趨近王宸省中無一事花樹覆青春

漢法篝燈讀秦碑對客臨少年文不害衣馬五陵新

南旺

清濟孤帆入湖虛淨野芳白雲隨意點青樹引盃長

日落漁歌出風微水荇香他鄉聊自慰吾醉對滄

浪

來自京與諸兄弟出游冠山呈雪崖兄

鴈隊歸繁節蛛絲漾小春午風生竹澗温日下松門

江暖觀魚躍林疎見鹿群登高流思遠西北有丹雲

過南館喜呈耻齋叔父

龜沙常奉譯彤館不忘賓解辯瞻皇象低頭拜禮臣
花濃珠樹合騎擁玉標新萬國棲遲地清朝賴四門

懷蘿垣叔

愛爾無拘束晴雲故國深蜂房渾甲子驢背得山林
自有陶潛酒何妨阮藉貧比隣過二仲遙憶在江濱

易州戲呈蘿垣

江海無偏繫津梁數問舟豈緣余跌蕩却笑爾淹留
客況三春盡湖光一葦收林丘誰裹足不欲斷遨遊

憶從弟二首

陰雲生白晝細雨賦黃樓憶弟愁無奈從師克見否

文章能自顯棋局謾相留吳學家兄樣青年趁好修

其二

汝與汝兄別予從汝父游汝兄爲蕩子汝父尚征裘
歸路緣江使鄉心落鴈愁瞻雲意無限亦念汝兄否

懷友人楊丹泉二首

六月無聊賴思君浙上游漭蒼高嶺見滌蕩定山浮
夏木聞黃鳥晴波起白鷗故人今夜夢明日又淹留

其二

六月無聊賴登樓思未寧西流見大火北斗接繁星
日照抽書閣雲生許劍亭故人今夜夢客子不曾經

非泉存稿 卷之一
不樂有懷

不樂居異縣浮塵眇相逢故人青鬢遠
角土白江東
春草頻登岸孤舟不受風如何滯行李
遮莫愧冥鴻

聞報

飛檄下金城微臣亦有名種花常不滿
瞻日可勝情
十室人初奮千豐穀未成耽憂况行色
圖寫獻承明

兩湖二首

大觀吾亦得湖水蕩英英豪跌通雲夢
清虛入洞庭
氣從朝雨爽秋照舊山明上下鳶魚察
須君會此情

其二

湖上興仍幽滄洲復碧流魚龍分渚動
日月大荒浮
草際東西岸波兼遠近秋出門逢賀監
蘋藻亦登樓

出郊

飛蓋丹岑遠停驂錦樹懸水虛沙鳥際
雲淨石亭邊
土俗今仍野林花晚共妍日華春不厭
隨意下青田

濟寧夜泊

白浦清秋鴈啣蘆對日西水氣侵樓濕
皇華繞漢低
涼分漁父火漏淺驛官輦欲上南城飲
高歌太白詩

宿康山田家

幽谷鮮人跡青蘿濕短墻濤花迎澣遠
石竹度山長

非身存和卷之一
擇木憐歸鳥瞻雲迥故鄉十漿慚上客坐籍白茅香
登蜀岡

龍舟消息遠飄洒一登臺楚水浮天去吳山接地來
午風吹短髮涼月度深杯莫問前朝事江雲鬱未開

過漢王廟

寒林千葉墮小殿一丘荒郊雨時沾寢山龍亦在裳
村遺仲氏業居對里人傍湯沐當年寵何人爲奉常

過歌風臺二首

漢皇懷故里泗上有高臺百戰英雄盡深杯父老來
秦關收地險帝業並天開此日江東雨霏微共綠苔

其二

洛尊浮故里嵩飲起高臺日月承皇寵風雲集帝懷
歌從行殿轉樂想侍臣迴自有千秋意能令過者哀

仙臺觀

迴宮瞻窈窕曲殿躡虛無神女流珠珮真人捧玉符
仙花幽徑發玄月入雲孤地遠鮮人事冥思欲據梧

詠古

誰復歸秦壁虛勞問楚弓玉端疑傍月石表結螭龍
物理須時盡吾生念欲空如慚墮甌者終負被裘公

王昭君

雙泊黃雲道重重恨不勝玉顏難自惜國計爲誰憑
永夜昭陽月西風紫塞冰此生都失意千載薄金陵

戍婦

星曜通芝閣高颺起茜帷玉簫低度曲珠黛遠含悲
花滿羞臨鏡幃新想畫眉聞郎近乘勝詔拜化羗歸
過滕村姜氏贈西軒三溪二春元

花埭千人聚芝田一姓耕丹雲迎藻動白鳥出林鳴
虛閣藏珠斗危冠近玉衡坐中逢二妙說劍有餘情

螢

未宿分星德青原料夜行潤明緣露草遷影弱秋屏

倚照懷時序狂游祇性情浩歌應坐久憐爾入衣明

燈蛾

亂亂春燈下增增祇自焚末光何愛爾圍熱動成群
不復遵時晦翻令用日明屯膏還永戒誰爲惜朝聞

失火

立馬須家報獠奴怖火炎盤庚吾所祀禪竈不能占
住喜隣翁遠貧愁典籍兼翻思燕與雀猶得脫窮簷

挽王理之

憐爾平生志愁予得計時風塵真不反湖海獨相知
屐齒悲司馬琴心問子期燕河春不雨那得汝喪歸

過上虞徐世庸墓奠用隻雞

望裏徐郎墓真真自古今夕煙空小市江雨接荒陰
不薄生芻意仍懸許劍心十年愧知己淚落且沾襟

憶亡友洪十六洽五首

天地容才傑江河忽漫流屢空甘陋巷三日逐荒丘
細雨清秋切孤雲白日留亦知鱸鱖舞名姓獨招尤

其二

祔葬從新卜求棺典故衣短門留白板高鏡失清輝
社老吞聲哭山神乞食饑禰衡卜文賦終不抹衰微

其三

鐵漢真同姓鴻儒記昔游

亡友學博而辨人因呼為鴻儒故云林營

曾偶語梧樹不能秋心賞朱弦廢愁攻綠蟻浮茂陵

今寂寞世本問誰求

亡友元姓湯常欲復姓而未得

其四

潢藻生芻意精光處士星地靈收海岱寃氣博滄溟
命爾黃金鑄樓因白玉成夢中尋一見風雨亦雞鳴

其五

大義推為友通家未見兒鬼神如不慙抱送亦相宜

亡友無子死之日其闔孕七月矣

觀化隨鯤運留名得豹皮兩髦應

自矢揮淚浙江湄

五言律十句

不寐留別仲莊姪

不寐天忽白起看海潮明清風吹盡舟送我洪都城
念子高義多百壺入懷傾義和不可處冉冉隨霜
願言崇玄德振衣鳳鳥鳴

臨沼

露草分金圃風荷引玉渠對花開綺宴俯沼得嘉魚
俗厚惟弦誦林深可卜居三山雲外出七澤望中虛
星辰當楚界樓閣自吳墟
五言絕句

菲泉先生存稿卷之二 詩

門人 丹陽姜寶列 男 獻策 獻功 蒐錄
歸安茅坤校 孫婿何汝敷 重校刊

七言律

懷萬五溪宗師

紫陽高抱不勝春斗峻箕張物意新漫有文章昭白日
依然豪氣肅青雲龍游揮灑江河潤鳳起傳呼鳥
雀群遂使諸生登大雅援琴頻與曲中論

奉寄江貞齋老師

穀種雞雛春可憐據梧馮几亦多年不愁天地無風

雅只恐宮墻愧大賢
細草自知煩化雨
浴沂何處有
溫泉青山綠樹歸
舟便汛掃山居
讀太玄

別傅少巖年兄令廬陵

仲容少負青雲器
潘岳新聞金谷才
寒逼玉壺元自
潔高騫黃鵠定誰猜
雙瞻御宿通華蓋
獨麗詞葩陋
楚材江漢秋旻望
沾足為霖湏使傅公來

蕭梅谷治敝邑有贈

春塘萬柳俯晴汀
湖上龜山入轡青
爾去即看崇往
代百年吾道幾回盟
花迎車騎飛朝日
路捲旌旄雜
水星安得久懸桑梓念
夔龍名德近朱扉

寶應湖上有懷天柱蕭勉青崖沈鍊

湖上青龍萑葦均
卜歸何事尚王孫
三分春色隨流水
一日晴空起白雲
詩草不留蕭穎士
大夫能賦沈
休文山陽水鏡渾閑事
月下援琴可聽聞

懷子同包節

前度包生並舸船
卜隣何地更良緣
瑶絨獨悵南鴻阻
濁酒何孤燕月圓
雲間日下名難得
白幘青袍興
可憐萬里長風洒
廖廓君騎黃鵠即高騫

送劉經府歸四明

劉郎抱策對承明
經府華冠出禁城
即有鳳麟飛海

非身存稿卷之二
二二
甸未妨鴻鵠下滄瀛劉歆博雅堪垂世賀鑑風流獨
擅聲玉粒瑤芝虛歲月青湖丹壑慰平生

贈胡巨卿令樂安

殊方憐爾春相向畫省朝歸並錦袍北極夜星下霄
漢南天鴻鴈望旌旄稽康疏節情應壯潘岳為郎興
亦豪春谷鶯花時並馬秋風桐葉各蕭騷

月夕飲餞邵二尹宅

碧篠青梧白月寒戍樓風柝動江端許丞高抱憐飛
鳥官舍清秋為作歡萬里浮踪隨楚越百年吾道有
衣冠澄光復麗金尊影爽氣初迴玉露團

度金山兼柬姜廷善茂才

青鮫躍浪送行舟浮玉風煙百二洲江漢水歸吳樹
濕乾坤秋正楚雲流樓連鴻鴈寒將盡散漫魚龍夜
不收天上仙居此應近虛聞海外有丹丘

遊金山寺

十年夢寐記曾遊江上逢僧一繫舟皇殿曉臨天地
動日華春逐水雲流諸天像設圍螺髻古屋丹青接
蜃樓六合有無方內外雨香雲竇起江鷗

過淮寄姜廷善茂才

忍見分舟涕滿襟相思三日到淮陰風花隨處遠真

非身存利 卷之二
眼宇宙何人共賞心一飯終酬韓信願同聲時奏伯
牙琴水深山險添惆悵獨立滄茫思不禁

冬日七里橋有懷丁茂才庸卿相期會於舟次
方塘寒舟憶丁廩尊前白雪飛新春含凍梅花故向
客逐浪江鷗時亂群絳帟青燈照典籍芝房石洞生
氤氳憐才豈不畏沾濕已有龍團淪紫雲

懷陸集兄弟兼簡茅順甫

憶昔相從冰玉英青松白日共遺經燕飛東關去還
住雨過南屏陰復晴山色遠從杯外落湖光頻向鏡
中凝於今贏得天涯晚飛華軒前草自青

仲秋與陸元成趙繼功登冠山

龍影方塘日正中友人高興偶相同酒生綠鬢頻看
井茶映青松合坐風禹穴自來留絕嶺堯天何用問
冥鴻放開湖海收詩袋明日潮頭勢逼空

登滄瀛樓懷俞季子

樓閣依然驛樹迴河流東望接崔嵬十年客思登臨
盡萬里孤蓬細雨來白鳥高飛滄海闊碧苔無主寺
門開獨憐雙鬢成追憶不斷層簷望帝臺

寄屠道南一首

議論一朝開扇鑰又騫季子逐行裝潮聲夾岸龍門

近燈火前村驢背忙
湛露濕衣知教力
片雲催興覺
詩狂歸來忽上東樓望
南斗中間拂劍芒

懷洪十六洽

南方見月思洪邁
大呂黃鍾世所稀
願以清風招舊
侶並來沂上試春衣
浮雲江漢流今古
落日宮墻鎖翠微
二十一年成底事
羨君詞賦有光輝

滕王閣夜別沈子翰

千尺飛樓江漢明
乘船沈約下瀟湘
真可夜發魚龍
淨吳楚天寒鴻鴈驚
多病長卿猶述作
壯氣歸向愧平生
還期共拾金光草
笑拂霞裳凌紫清

懷任子直

白幘江臯盼望遙
星辰迴動肅清霄
平原公論馳驅
定廣漢浮萍波蕩消
師道一言登畔岸
皇風千載穆簫韶
稽山近已通南服
依舊新枝起綠蕉

南風侑采爲李東瀛賦

赤日紅霞水荇香
誰家眉壽介文章
初從象緯臨南
極亦向萱花赴北堂
六月新晴衣帶杲
十洲高接酒盃長
布袍先得來天地
爲賦雄風待八荒

懷朱朝儀

南服之南雲霧深
行人夢寐勞相尋
天邊見月意獨

往江上呼風時浪吟前渡舟航知姓字別來踪跡更
蕭森黃流百壺心所愛醉影落橋頻正襟

早起用韻答朱朝儀

小樓清曉淨無塵霜月雞鳴自比隣華髮漸看摧玉
鏡丈夫切莫愧綸巾青松密坐環諸弟春日相邀有
故人天末浮雲多變態吾生何必問虛真

題蔣春江冊

我向流光識轉蓬白蘋江上又秋空文章曾見名千
載富貴何人長萬鍾沙鳥過牆惟亂影野花依草自
西風小樓無處開雙眼如此心曾託卧龍

喜與馬子章同舟至河西務有作

白野黃沙迷客船南冠明月耕石田從來去住本無
意看到升沉有此年官柳送春波甚渺漁歌吹星宵
可憐袖中長劍依然在猶喜龍光共大賢

灤縣見方上舍純佑有懷所知

六月天涯意不伸偶同津渡此方人江離澗藻無消
息屋壁山巖有鬼神高閣雲空開萬卷故園春老負
三辰何年七里無風影頻到泉亭吹角巾

夜登龍陽山懷友人王會溪一首

秦望山頭月正明白波紅樹故人情悠悠歲月誰憐

我擾擾風流始見卿流水去來悲淨瑟燈花開落看
長檠何時明化重修業竹雨松風共一庭

水亭叔祖因訪予之便且遊白門將歸新宅有

贈

禁城霏雨擢歸舫紫蔓青蘅照白袍繡嶺沃雲千樹
合玉波流日片雲高弦虛清晝吾何事書憶澄秋爾
莫勞澤國况逢新第宅節花年桂共踈醪

眉軒伯勸置田宅詩以答之

儒者須忘一畝宮伯夷盜跖孰雌雄但存心地平如
掌不管茅堂亂作蓬綠樹青山千古在清風明月萬

家同樂遊金谷俱消歇陋巷何人俎豆中

書了溪叔讀書處

了溪山人讀書處丹巖白石相鮮新雲亭呼酒自乘
興木橋弄魚時正巾群來麋鹿參高論不斷花香識
道真欲往從之寄幽意小船書盡且頻頻

閭門夜泊叔蘿垣沽酒飲余賦此

女墻明月照深盃癡叔江湖興未灰朱老文章孤艇
並韋家花樹及春回星辰森爽兼江湧客鬢樓遲問
路來靜夜移舟近漁艇浩然翻欲愧塵埃

贈南莊兄

萬物一日忽相見大開雙眼收洪濛清逼草堂簾捲
雨香攪石壇花過風驢背往來詩脾洗山頭登眺酒
腸空午橋今不數丞相却是造化私吾兄

春夜書懷呈雪厓兄

暉暉斜月照書窓隱隱花間吠小厖醉墨有因開鐵
硯耿懷無着剔銀缸時名不信人偏一國士須知世
可雙短席敝床眠不穩恍然詩思到吳江

渡江寄子旦子發汝雨諸弟

吳樹蒼茫白鴈秋青山上下送離愁江城伐鼓虛舟
應海氣憑人細草浮遲暮風塵余浪跡映江金玉汝

登樓梅花驛路春生色已卜龍頭上帶鈎

與子高子發夜歸

月到梧桐玉露垂弟兄懽喜得芝眉竹爐石榻誰當
問秋實春花浪有司子夏索居蓬鬢在元龍未老草
樓知青山他日勞君思珍重繁霜上葛絺

子發讀書巖陵

龍江細雨歸來晚漁浦春潮更送君海內交游空別
淚天南鴻鴈各離群錦峯繡嶺開晴旭瑤象瓊枝隔
暮雲孤抱平居最森瑟未堪題鳩向春分

懷仲莊二姪

苦憶吾宗好孫子東吳南楚思俱搖
遲波白日晶晶
麗飛觀青雲奕奕高
滕閣望春非故侶
竹林留醉且
吾曹寒天木葉兼
愁緒蠟屐衝泥莫厭勞

寓南莊懷海山兄

玄酒無人謾自傾
憑欄觀景轉傷情
顛狂柳絮窓前
舞銷恨桃花壇下生
爽約不來頻注目
寄音未到更
堪驚高軒果肯過
荒徑萬丈奎光耀
草荆

雪崖兄出韻試作二首

拂壁題詩且浪書
不妨才短愧茅蒲
便令刻燭曾中
有總是揮毫眼底
無要覓秋槐與春桂
何須夏扇又

冬爐文章出口名
天下始信人間有丈夫

其二

經學年來本蔡沉
何須勢利駕樊陰
道源誰與論高
下文海馬能測淺
深愈出愈竒曾次大
間來聞往笑
談新題詩遍壁人
歸後白屋微微有剩音

謁禹廟

南嶽盤盤勢入空
大江東去九河通
碧壇尚憶瓊琳
賦朱廟今垂圭壁
功草木變衰千序
遠衣冠瞻仰萬
方同登游不獨傷
心緒風雨箕山還
夕宮

謁嚴光祠

東南清氣扶高節江上煙波偶放顏人物已知飛白
水故人元自愛青山區區諫議雙蓬鬢落落星辰七
里灘誰與雲臺較修短瓦爐添火碧雲間

謁武穆廟

六橋行盡見玄宮生氣如聞萬鬣風松檜有靈枝不
北江湖無恙水猶東千年宗社孤墳在百戰金兵寸
鐵空時宰胡為竊天意野雲愁寂夕陽中

展親墓

返照晴懸白鷺明漫塘雲色蕩英英浮光忽變義和
節游子虛承天地情青入松楸惟有淚露行葱蒨不

懷諸弟

瀟瀟江上雲瞻望泪盈把何人深閉門讀書松桂下

吳江夜泊

柳色逢舟挂江雲閣雨斜村流渾一曲瀟洒似吾家

儀真

魚火吹相向江雲凍不開池塘讀書處幽夢一歸來

出門

出門頻欲往何處定撥琴雨後雞鳴寺雲飛千里心

出門賦俗世何處安
舞琴雨外聲
三

出門

魚火如酥向玉雲
東不開
出歌
書
或幽
夢一
和來

謝真

賦色
雲
封
玉
雲
閣
雨
餘
林
或
甲
一
曲
滿
西
以
吾
家

吳玉文

蘇
蕭
山
上
雲
翻
望
日
盈
昨
何
人
彩
閉
門
蕭
書
公
封
不

對詩集

名男兒且莫慚滂母王裕金貞有鳳城

春日經漂母祠二首

淮水陰陰生白波
桃花三月戲春鵝
獨憐漂母仍祠

廟却念王孫空荷戈
為客布袍淹日月
畏人舟楫傍

江沱不應桃李芳
菲節還向他鄉聽
權歌

其二

湖水陰陰生白波
桃花三月戲春鵝
香飄野殿村翁

走屋近城樓燕雀多
推食豈緣忘狗馬
酬金元自信

山河長淮不盡王孫恨
澹日孤雲一嘯歌

嘉祥望麒麟臺有感三首

古縣荒城半綠林，獨留名字到如今。諸侯開跡憐風雅，父老多愁落暮陰。千古高臺餘海瀆，六經無恙識麒麟。東周反袂何人意，細雨停車獨客心。

其二

牛渚機絲河漢秋，星珠月璧祥光流。王母青春不受謝，仙園絳桃時出游。蘭蓀英英地符發，梅觀鬱鬱天宇浮。瑤華壽酒遠莫致，歸及諸阮南山謳。

其三

蘿垣山人春興深，薜衣藤帽能相尋。有時騎驢出山谷，爲余呼酒當槐陰。孫登高嘯復見

世心歲華冉冉各自愛，只今時事傷青琴。

戲馬臺

戲馬臺高凌碧空，行人從此望西東。十年旄鉞風雷動，兩界山河楚漢通。王氣入城浮赤帝，洪濤翻日見黃龍。間關霸業空悽惋，銷盡咸陽一炬中。

首夏出郊

十里莫嫌歸路遠，路頭風物自宜人。芹雲帶雨猶飄點，官柳啼鶯亦送春。老妾守桑蠶未繭，野翁炊飯麥初仁。更於一處供詩興，燕掠煙波湖水深。

八月十五德州見月

野水兼葭氣色微丹崖石壁動光輝珠華故與中秋
競寶魄先隨涼鴈歸青髮娟娟時並舞芳雲冉冉思
俱飛芙蓉江客憐吾土獨立青霄問綵衣

望月二首

殿臺東望轉岩堯寶月懸江夜寂寥南鴈不來沉短
札飄風何處忽橫簫澄光欲浸銅仙掌爽氣還浮玉
樹標悵憶緱山王子晉幾時天路坐相邀

其二

渾天東下轉迢遙朱表青詞亦寂寥士遠杖頭應自
好仲宣樓上忽中霄清明小注金莖露盼望虛承玉

樹標蘋末微風何日起浮雲吹盡見層霄

江寺祈雨有應

碧天萬里無雲脚帝遣神龍散雨花怪石已曾飛赤
燕大田今始卜青蛙精誠自可通雲漢致禮何如見
釋迦老衲也忻沐甘澍澤公聲價湏人誇

早達瓜州

江燈到岸迴樹青江草不動冰雪冷蕭條客鬢沾雲
切殊別鄉音幾處聽焦山鍾樓沒潮氣瓜步酒旗招
落星平生湖海住亦得日華得沙搖鶴鷁

冬日從儀真入江

浮陰蕩空白日微長船泛江青山飛悵望船頭一搔
首重嗟江上欲沾衣歲暮他鄉諸弟隔梅花故國動
年違自將薄酒遣牢落未得報章南鴈稀

登虎丘

虎丘春倚劔池平巫筍雲連寶殿生殿上鐘聲當巨
鼙池中波影自昏明長洲別苑虛無裏憚石空亭寂
寞名和靖書臺頻想像雨中春樹看巢鷺

賀傅竹亭新樓

忽然一八柱立上騰飛鳥下蛟龍日月雙眼吐吞
外江山千里談笑中五鳳添修氣自異四齊清酌襟

其空春風吹遍曲江曲倚欄搔首看滇鴻

詠黃鸝

尋春但見黃鸝影今向籠中玩羽衣林密肯忘前度
友日斜猶弄解圍機自將文物供青眼何用家鄉托
柳枝愛我主人歸未得幾多燕雀莫相疑

詠蟬二首

長日林端似百憂應時宮呂度高秋未妨風翻承清
露數傍河堤繫客舟湘岫江雲愁入調棘花梧葉晚
同柔綠枝並立還生計不食於人何所求

其二

秋蟬向人鳴未休清高凄切如隱憂風枝低度故巢
裊江雲欲動時悠悠青林搖瑟雜雅奏綠波散客增
離愁明珠不彈似憐汝仙露自飲復何求

觀戲

焚林分擾擾復悵悵世務關心况土音曲倚輕雲度高
閣舞隨明月過花陰妍媸總厭浮沉論變幻真懸感
慨心安得芳舟乘晚發玉風金露一援琴

七言絕句

夏日丁庸卿茂才見過竹齋對話

白葵黃萱相對明南風吹桂先秋清虛堂茶罷寐不

語坐聽斑鳩竹外鳴

秋日送丁庸卿應試

珠草銀花繡白袍乘風弄日馬頭高八月秋深簇雲
錦人間自有九方臯

畫馬題贈袁國子兩峰

弄日乘風赴玉門柳深營內獨超群放爾賀蘭山下
去四邊春盡絕纖塵

贈姜西軒

冬林回日上風臺玉樹瑤華次第開小坐焚香人事
少岐山鳴鳳好飛來

送丹陽八生入泮

朱裳瑤翠曉雲稠
練水還從泮外流
桂實杏花春萬
里赤霄齊看八龍遊

贈大程

玉川僊客有奇氣
六月披裘落釣磯
秋水懸空萬餘
里海天忽見片帆歸

贈小程

天家樓閣照青春
並馬知君思不群
流水槐花意千
尺滕王高閣試秋雲

贈許長卿昆玉

江行十日到吾家
兄弟殊方喜自誇
春雨南天芹藻
綠煩君笑領一枝花

偶述

小廉曲謹非吾事
抱日騎風渤澥游
鏡水入雲秋冉
冉虹橋吹雨思悠悠

樂川卷

青鰓遙接天山碧
白鶴晴連十渚明
魚逐辨樾春散
子鳥栖多樹夜涵星

房村懷蕭汝行兄弟
予受業於靜菴先生
房村盡日雨絲絲
公子高情入夢思
一道澄江回禹

穴嘯登猶記雪深時

別懋明王會溪

雨絲清柳映黃金日月怛怛客路深秦望山厯餘典
籍還期來往一論心

淮河別許岳

青春擁騎長安道白日分船淮水陰歸去雲軒若相
憶燈花對酒卽論心

寄朱十八袍

鏡裏流光恨轉蓬忍將魚鳥就池籠故人白髮三千
丈掛在東南秦望峰

過陽穀縣賦此

阿城四月病征裘上下荒田麥不收可惜人家無舊
業至今龍輔喜齊侯

贈王典史奎

四海豈無清典史白燈相照獨慚予窮官要路多勞
累間坐春屏一嘆吁

與少明詩二首

炎天策馬高嶺前不覺浩蕩思清泉安得一吸向寥
廓更御輕風從九仙

其二

仙人不受人間憐朝棲蕙壁暮芝田鸞笙常聞雲海外麟蓋時依霞漢前

出都城懷周子亮二首

南出春明入水津京華遲爾欲傷神匡廬彭澤多鴻鴈綠玉青珠肯贈人

其二

萬里晴雲捲客衣竹房半掩綠楊扉可人秋色時當眼日下金溝燕子飛

與諸同志宿吳從本竹山精舍夜談五首

躍馬逢君復緩程更憐雞黍見平生竹房木榻三更

話不是流連光景情

其二

煩惱窠中錯用心言言句句苦追尋而今風月閒來往時對青山弄玉琴

其三

自有真人坐極宮須知舉業不妨功請看一脉崑崙水却與江淮河漢通

其四

欲談吾道莫虛玄孝弟於人見本原昔日過庭曾兩語鳶飛魚躍此中看

其五

吳馬豈煩顏氏辨
商羊未必仲尼知
欲知千古傳心處
請看如愚退省時

奉寄石崖叔祖

涵虛亭子日初長
碧藻窺魚水氣香
試取明年秋月皎
龍得雨看飛揚

湯滄洲來顧賦此爲贈

八月桂花香入空
小亭飛酒勸我公
鼓琴應忝門下士
抱膝寧起隆中翁

書六泉卷

八月桂花開碧雲
仙人騎鶴來相群
青風萬里飛六鷁
坐對玉竹珠泉分

獨鯉朝天贈海山兄

頭上方巾只尺五
難道龍門萬丈高一
日春雷動天下
略翻身處是青霄

觀潮賦贈文峰叔

天地文章只自然
寒潮日日到江邊
道人指說風雷動
驚起蛟龍飛上天

作泉卷二首

錦雲裁日下晴田
澗藻溪毛極自憐
風伯不知何處

手先驅霖雨認豐年

其二

禹功千載寄鴻濛西下崑崙河漢通從此司空無一事坐令河海受從容

寄了溪叔三首

了溪仙客實吾侶書問年來何太稀霄漢爾能飛彩鳳笑談吾已愧醢雞

其二

龍圖遺澤果無窮一歲皇恩幾荷蒙杖刻鳩頭三壽老腰橫魚佩二藩封

其三

佳城鬱鬱凌家塢痛死傷生日暮時執紼未能爲子弟倚廬真喜有男兒

寄雪厓兄和解眉軒羅垣二伯父

鵲鶴乳哺本同巢况復鷓雛滿九臯莫訝浮雲傷白首願憐愛日蒼清朝

潘水海山二兄丁外艱

暮雨西風孝子歸白華無語自庭幃誰家門戶愁絲竹一曲清商送夕暉

寄眉軒伯

橫林流水急如梭打鼓黃郎雜擢歌最憶鯉池舊分
席一燈春雨濕青蘿

寄靜菴伯

龍潭高士住山陰石卓雲亭湊橘林滿袖何時黃顛
顛相如肺病實關心

見月

獨客孤城落日愁征帆渺渺送河流可憐今夜徐州
月不照張家燕子樓

題江寺僧卷

雲就鳥山高綠樹幽數椽茅屋雨華秋慈航不泛湘潭

影應何靈泉極處遊

過觀音山

百粵地靈收海錯六朝城闕散金銀山樓濕雨虛臨
寺江獺含魚鳴向人

宮詞三首

桃根桃葉雨痕收傳送金錢卜畫樓三十六窓飛燕
子珠簾何處上銀鈎

其二

太液新波未有綠雨絲飛盡藕絲牽多情誰遣中秋
月照見樓中鏡子圓

其三

三年織練初下機手持茜草心事違女史忽來傳令
子官中不用絳紗衣

穎川別少弟二首

悠悠白日長安道濟濟青衫上舍生傳與西湖舊煙
水兩峯明月共吹笙

其二

老翁八十度茲辰游子他鄉入夢頻喜遂北征明日
月望從南極動星辰

贈柴畫工

世間顏色分明見大朴何人識本初最是良工知此
意素風雲月玩清虛

題馮筴竹舍四首

尋春何必問誰家春事無端落暮霞海上東風休自
老庭前還自有荆花

六一

南畝東風萬種肥花邊煙雨上蓑衣燈前細與兒孫
約老子生涯汝自知

其三

亂山高下晝冥冥樵水東頭數點青聞道山間明月

上幾回風雨只從星

其四

流水何心苦未休白雲依舊思悠悠山人莫被閑花
惱只恐夫翁亦白頭

題南莊兄四景 春

谷口春風黃鳥鳴樹頭煙氣接山屏何人看見千林
喜欲向平坡結草亭

夏

羽扇綸巾白幘高陰陰官柳自溪橋蟬聲不許南風
裏無數青陰解皂袍

秋

眼前黃葉半飛揚江上蓬船漏夕陽茅屋幾家雞犬
靜最堪清酒洗詩腸

冬

梅花見我頭先白我見梅花眼倍青誰說六橋渾易
得江南瀟洒幾分清

春鳥櫻桃

枝枝春鳥自交交萬斛明珠顏色饒不是東風便圖
寫滿城桃李待揮毫

黃鸝夏桃

綠楊堤外鳥輕飛求友無緣歲月遲
仙氣忽從煙雨得不愁無分到瑤池

喜鵲石榴

花開不報山人喜秋入園林借一枝
幾見洛陽城裏客牡丹臺下識菩蕾

鸚鵡荔枝

十里蠻煙撥不開仙人吹落紫霞杯
風前爲我消除盡免使唐羗奏疏來

莧瓜

大易三百八十四聞汝陰陽俱有爻
收拾筆頭無甚

事一丸真理白薰陶

薑芥

昨日江村雷雨聲枝枝葉葉一時生
春風入手隨翻覆桃李墻頭恁有情

茄蘿

曾因太守得清名斜日西風淡淡情
老我一生誰是友半畦嬌綠自輕輕

冬菜

老兄固是食肉相况復高樓插紫霄
却道菜根禁咀嚼也從茅舍看揮毫

書潘水兄夢藕卷 有小序

嘉靖癸未四月日子長嫂黃卒逾年矣子長兄邦賢持卷命予詩蓋長嫂仙遊時長兄以夢食藕而失其偶占者以藕耦之似也卷名夢耦蓋取諸此予性頗惰嫂氏予之所哀也逾年而不詩則長兄以其卷歸矣兄之心未已也乙酉十月之望侍長兄於十楓亭下明月在天殊助詩興急索書之而興已尋泥矣乃靳成八絕句如左

其一

石壇煙雨清明後幾見人生夢亦真秋思滿前消不

得藕花開落問行人

其二

雨雨風風動滿樓起來心緒不勝愁六書去草還成
偶沛字經人除兩頭

其三

芭蕉纔覆山中鹿却到人前疑是誣晝夜一般消息
裏莫從溪上自三憮

其四

大抵逢饑宜夢取鬼謀何處得竒占總然事應今朝
定惟有王孫不斷憐

其五

西湖六月清波起照見差差白玉枝楊柳六橋啼鵲
遠却從心上訴遐思

其六

楚江萍實聖心裁竒夢中宵誰破來草木不知無限
恨冰盤獨薦讀書臺

其七

十丈花開真浪說書生何事獨神交幾翻欲向花神
訴煙霧紛紛玉井遙

其八

山濤宿約已十載獨抱長琴泣數行雖是夢中無定
準也因此子紀年光

華也因進子孫半

山壽前際已十漳

菲泉先生存稿卷之三

門人 丹陽姜寶利

歸安茅坤校

吳 獻策

獻功蒐錄

孫婿何汝敷

重校刊

絳桃賦

丁亥夏之仲後甲三日為光祿太夫人陸母王氏六十有一誕辰伯子方伯石涇先生就徵北上與其仲子監曹元輔俱叔子庠彥元普季子監曹元成得留侍以絳桃壽時太夫人新恙方瘳履綏焉融乎其光也作絳桃賦賦曰螭淵有木兮木葉員投舉父兮飛蠻蠻齒螭兮龍仍班乃今不可得兮捧首于崇避之

山崦岷有木兮木葉穀孰河駿兮狄雖伏齒派兮瘴
 復乃今不可得兮精祈于茗水之谷不休哉粵余知
 夫麟定螽詵兮宮族教維柔嘉以嗚兮肆保言以禎
 曜彼河芄之與江離兮固明觀之攸妙胡沙棠之已
 勞兮亦禎湘之匪倣余固知夫玄社嘿順神衛與謙
 苟中行之無遂芋藥珠兮而引年則彼芎藭藟芘無
 條天楸曾不足以自忱而武秦戲兮將弗賤宇發鳩
 兮將弗卧禮高襟兮胡子佩傳訖兮胡軒余弗登西
 王母之宮矣乎天緯開霽地蒸困輪觀闕疑懋櫻臺
 疑蜃宋車魯鬚楚日秦人形狀俄晷瑰詭郁焚夫是
 以能蚤莫百彙芳旨蓀芸選布奄夏昌茆吞皆劓在
 世之譜蟠桃以為異者迺其苑游之常物處羞之恒
 品而奚有於曼倩之云不然則今日之旦胡為虜靈
 馬者之搖目而齋者之足聞不休哉甘露宵兮寶精
 揚洞霞擗暎兮珠蓋張浴海波兮瞻朝陽引公盤兮
 蟬綃涼爾乃使宓妃執籥霄圃御香奄勺注兮天泝
 犧尊盎兮馳漿乃有懷其核而伐其肄者謂亦足呂
 履兒齒而無疆而况夫選其配主展也允襄爰有馳
 馬物壯游三方輔弼剛兮帝垣近旂連兮皇風長雷
 三日兮洞庭雨接南溟之修翊兮將十九萬里而翔

翔余亦不知夫彼之榆襦肅雝者奚物萃諸福而疇
祐者奚將而况夫通理坤順貞誠豫盱屈狄錫兮河
嶽穀霧屏兮巷衢祥生躬練之後歎起勿藥之餘於
虧焉以和召蘇有此故也匪物之古唯人之於肆彼
桃之有蕢者乃日居而月諸余固不知斯之能益於
人不也况其或者以是而爲人之所連茹而乾坤今
古幹周蘧麋離上下色周渝而彼察之有托於茯苓
而後固者不啻參墟之與泥塗不休哉曷其然哉况
豆楚馬以自潔兮臧彼謨之召也指九天以考徵兮
曰爾享晉之道也鶴鷓鷃矢弗登於几兮食鮮易
以壹抱也奚草木之雷根兮貪天工以自耀也吾亦
何有於螭淵之與崦嵫兮或傳之謬也

後絳桃賦

嘉靖甲午八月十有五日寔維葉母王太夫人誕辰
維時辛氏厚秋百果咸登洞菴夫子乘南流之舟稱
觴獻羞翼翼維虔門人某爰進以西王太真之祝采
絳桃以獻遂爲之賦以觴夫人賦曰夫何茲桃之鮮
澤兮被金臯以爲陰踐員嶠而扶本兮耀盈肥於潔
林條屈盤而糾紛兮理姿妍而可珍凝神表之朝霞
兮濯青昊之春雲實顆顆其駢結兮承的爍之朱殷

倏乘光於芳榮兮香郁烈而蕊芬樂珠宮之帝姊兮
分瓊萼之雲孫丕休哉玄祉默順神道與謙玉穎振
德蘭芳自延則彼芎翳賞此無條天楠曾不足以自
忱而履泰戲兮將弗賤宇發鳩兮將弗賢禮高禘兮
胡子服傳訖兮胡軒余弗登西王母之宮矣乎漢緯
開霽池蒸困輪璠闕峙岳琳臺成厯宋車魯馬楚日
遠人殊狀俄頃瑰詭布婪夫是以能早莫衆彙茂華
蓀芸稟玉衡之澄粹資金城之懿淳羽采瞻萬畢之
券宮懸來度朔之群史晞之所游省張陵之所升懷
高丘之所修服樊姬之所呪階靡不披其瑋質集其

致風萬歲一實千年華開丕休哉蒼靄霏兮寶精揚
洞霞暉兮珠蓋張浴弱水兮瞻朝陽引冰盤兮蟬綃
涼乃彼懷其核而伐其肄者謂亦足以應鯢齒而無
疆而况鬯其世業展也允襄爰有神物壯游四方夔
龍咨其司袞仲甫同其令名既耿介而特立亦允惠
而宣平閔文濯江漢之潤危言旌日星之明及宣風
範表立田庸乃繁善政敷同奏功芝尼馳印綵服斯
榮沛吾乘兮輕艇逆飛雲兮迅攻石窠奠其殊宅封
丘復其異宮睹斯桃之搖目頰螭螭而遠共留枝間
之紫燕集日下之翔鴻願新采之都麗奕兆世而偕

融亂曰園有肴兮隰有叢晞青旦兮接玄風立三山
兮列九嶽乘令鳥兮棲仙棕仙人食之兮壽無窮

青龍橋賦 有序

青龍橋者蘇山夫子柳陽范公躬帥志勞嘉靖於厥
邦者也夫子之雅故汝賢曷敢知厥蒞江藩也永利
戢蠹民用是康乃四月既望狩洪州之奉新汝賢邑
吏也辱進而與之言且聞橋始命曰第賦之夫聞而
罔攸言未聞也言則僭靡言則隱唯公容德况有嘉
命寧僭弗敢隱也賦曰

繫跨壑之有神兮安行兮輪蹄德滙兮茂勳孰化能

兮為鱉上螭虬兮青鎮嘉澤全兮熱泉紛歸美兮心

仁維昔帝遺要步爰限南北汜則次且睽離涸則降

登高下大歸乙涸九汜尤忌介虜春夏斯時也歷歷

泱泱宓汨阻長珠玉疑於方員牛馬溷而杳茫蓋傳

巖之楫不可作而魯叟之桴徒皇皇猗與我蘇山夫

子洩蜿蟺之真精弘調揀之有年蓋旣登庸唐庭歷

敷幅員趨告乎淞東之臬而旋沐虜柳江之堧也慨

崇期之多艱閔征夫呂拳孿身痾瘵而不寐如將去

沙丘呂翩翩唯是博詢闡闡精簡瑰竒閱志告羞眎

蔽哀資斯時也熟仁宣洩烝德渾融我未劇而力至

彼不劫而備同蓋其或虛困廩或放筐篋賑者亡斬
於貨泉壯者爭致其筋力殆枕之而莫止宣之而逾
急也爾乃問工鳩傭凝土度石材美山輸用就鱗集
乃傾筭呂腹鼓機維心謀衆參而罔遺指獨斷而耽
精群鎡鼎來孤鍼帖定謂亡梯雲之巧綽有成風之
運肆秦人臨河而肇濟底張氏歸洛而德晉夫子乃
言之冠易曰乾冠乾曰龍天應乾行具曰利涉然則
捨橋曷從虜矧鷓躑於左方膺指行夫曲禮括星火
之徽稱表易功之利濟是蓋涉呂飛梁爲天而呂神
物爲旣也第見給其目者心融入其耳者魂予歸之

呂解犀之慈卜之呂活蝗之祐有好事者造夫子而
問曰神矣哉龍之爲物也震說根其性動法言暴其
不制於天每雲雨之歸非池拔蛭蠖之萃軼禹浪於
湏搖布商霖虜方內乃吾人之普施正中也式穀似
之是故拯溺亨屯圖難爲大固其所矣吾夫子之鞭
石趣功造舟畢務地有利興民無病渡固也然近之
不過五蓋遠之不過三湘抑呂試中流之一瓠又烏
足以盡大受之無方唯昔夫子簡在帝衷而小試
之也則見夫薌溪有聲花村亡吠畫疆致氓釐剔垢
敞明陟考成都皇監史入侍則百度惟貞出按則

群僚孔肅潛見以時變見維穀措刑夔教使古荒服
緹紘益其蝨氣鄒魯聯之海濱澤霈魚沫雲興虎林
握藩封而北瞻有慶忖楓陛而南顧亡疾俾今而微
夫子也邦經或溺而濡尾民瘞不下於斲脛吾意夫
子博知即四靈乃宗弘濟殆萬鱗是長說品庶於泥
塗妥斯文虜執掌宰匠萬物之形神摹二儀之像繇
是進符夢卜於清宴棘歷三三階升兩兩作又攸同
夙功弗爽濟河匪金革之焚渡海殊鐵舟之想紀常
範后馱寵祁休坊碎錦其薄柱堂醉白之臨堠上辰
徵杜老之詠名午亶晉公之流吾知其聖作神立鳴

而嗟雲固亡侯窮古人之首一降一方之凶德而

休沐並勤勤也已不然公孫乘輿曷以止惠維枉暨

梁不免於憮然追謂乎夫子曰嘻若胡若斯之侈邪

眎余之不廣也今夫仁端好施聖人之訓也安用隨

寓君子之慈也夫剡木爲舟式濟皇美合方掌道乃

成周禮若乃扛榘倚釣是爲博濟之圖爾胡獨至

於今而貳之且能巨能細能幽能明能短能長誰是

敢承聞之癡洛洞者非不止惰闕山者非不行雖與

戢瓜之蟠每聞舒翼之應叶平微蠖不能爲之肆譖秦

奚自爲之傾吾之般息吾坐也念由來之敝址推亡

竟之褰裳著虹影虜阨陘壓龍津之潢洋署之以東方之靈曜而何戰艦之足當洵古今萬慮而一志又奚必尊皇之道而功歸於王虜夫呂居方之有窮徹於夙昔而亡陣揆百代之不殊何四隣之獨爽古我之有造一隅者初未嘗游心虜六幕之外苟有使我達之虜九圍焉乃今之勩又奚足尚者邪夫劍不得而恒度杯蔑繇以再汎唯夫取之蠱而有所取之需而有功益引之而道行乎乘之而虛通抑又開物成務之攸宗也若何茲之惑而云云也邪客喜而去且告於旅胥與攸仝勿隳勿去亡何夫子出殿虜江藩

應揚按職於蕃於宣列郡承奠枕以聰寤八觚倚長城之堦垣群吏汝賢慶得其總爰拜手稽首而爲之

頌曰吾聞鱗長五色兮正黃則重胡爾青兮匪龍

呂青維橋之命叶平兮卧波窮宙龍不升兮匪升而濟

猶在天叶汀兮經迢緯險厲揭亡聞兮無夷無事伏庚

辰兮一隅可詘八鎮可信兮曰維夫子雅妙存身兮

郴陽利涉微子其勝兮上援下極安往而非郴兮建

牙南浦利西征兮五老逾蠹二孤齋齋兮繇茲徇歷

施於亡垠兮躋穹陟要爲九五丞兮浮鼉後鵠方外

成蒙兮昇僊汚墨迴下吾風兮模王楷帝躡地踪兮

維垣清塵茲試洪兮俛蒐就采媿塌茸兮鳥獸何肉
豆籩冑共兮邛胥夫子真由龍兮

棟塘問答

貞靜先生披輿覽勝闢萊廠基逖壤壚之紛糾廓爽
塏之郊圻洞潛廬以啓蒙枌嘉樹雨交離豐蔚之盛
則島嶼之華巖馬汗漫之觀則滄瀆之巨游馬客有
以語楚觀涯子曰夫好有動靜人情之殊也時有隱
顯志尚之仍也子知夫棟塘之樂乎負郭之陰抱山
之陽據桐栢之翠律流澗渤之鴻濛蓋聞先生之遂
初也嘗有意乎從羲皇矣卷而未試寔用卜居挾我

甬江今子既察其云爲之故而得其規制之詳蓋爲
先生賦之觀涯子曰唯唯翳先生之蹕蹕猷肆業於
皇王慨明哲之不作卷吾道乎終歲步蔣詡以開徑
學陶潛而樹芳衍地維之勝界分星紀之靈場撫四
時以藝毛緣九峽而開疆借一枝以成巢豈三槐之
足榮爾其地勢則割四明之豐壤扼會稽之上腴龍
岡北峙鹿巖南垂太白東岵古鄮西嶷帶以寶幢匯
橋之勝聳以扶桑蓬島之竒勢崆峒而峯峒形聯纒
而逶迤赤松之所遊王喬之所居其前則有平原下
隰衰衍之區腴腴沃野昉昉甸塗堤塍岡屬溝澮名

殊桑麻荼着菽麥芄陸蔣夏黍水樹冬稌黝離
離翼翼廡廡決渠行雨開竇引渝灌溉鄭白之壤經
營史起之畬屯雲布濩于中野積茵綺麗于前疇其
後則有嶮巖蔽天巖壑隱谷巖從崛峙屹嶮嶮嶮或
嶮荆而中絕或嶮嶮而復屬似閩風之峻岷象瀛洲
之復陸狔猿鱗接嘯戲於其巔鼯鼠獠狡騰趨於其
麓軼雲雨於天半起虹霓於山腹旣索紆以迴繚又
杳窈而曲蠹雖都盧之輕迅猶愕驚而不能躅爾其
塘也太液之波瑤池之精沖灑沆瀣淡漫滄淪湧彭
蠡之洪川出錢塘之巨浸日韡曄而耀光風盪盪而

有聲披紅葩之狎獵翻青藻之華英濯靈芝於素瀝
渥石菌於清泓莫知其廣莫測其深恍逢淳而霧合
倏晻曖而雲蒸珊瑚碧樹周遭而生夜光琥珀灼爍
麗明金沙銀鑠碧玉丹青瓌奇之所育珍異之所盈
爾乃周以金堤樹以苦棟布綠葉之蕤葳敷白華之
燦爛豈詎足乎棟桴爰取意於素練同百代於一時
何嚴霜與積霰嘉晚榮之菴藹亦安取乎蕪蔓又有
桃李春華槐杞夏陰蘭桂秋馥松栢冬青豫章桃櫨
以爲垣榭楠楓柙以爲屏枇杷莫棗荔枝橘橙蒲萄
蟬結乎紫房楊梅縹繡乎紅茵若此之類不可殫陳

其中則有長鯨吸浪巨鯢吐波蛇蛇蛟螭龜鼈鼉鼉
鱣鯉鯖鱒鱮鱠鱠朱鱗赤頰折鼻利牙或掉尾於
湍瀾或戢翼於歲莎其傍則有荃蓀蘅芷蘭蕙江籬
揭車杜若薜荔留夷卮以宿莽結以鮮支延蔓澤淑
結縷隈涯吐芳擢茸揚烈發竒隨風披拂與波參差
香煜煜以唼呷葉紛紛而陸離靈沼之中前後聯綴
乎藩籬於是乎築方丈之臺構數椽之屋臨清流而
啓扉倚玄蔭而架木黝堊不施碱硬罔琢豈結瑤而
鑊瓊殆上峻而下陸以樂衆賓以會九族采佳圃之
鮮芳酌清尊之醴醪賓樂未央主稱信宿臨淥水以
逍遙撫芳樹而躑躅垂紋竿出比目援朱絃奏雅曲
浴溫泉坐草蓐六合可觀於寸壤九圍可收於一掬
蓋一以爲春秋而一以爲晦朔也又安知天地之盈
縮哉於是客超然作曰吾子誦棟塘之勝雖未盡其
所蓄而先生之樂則已得之後覺矣乃歛容再拜用
謝不穀

石源頌

粵若蘇山夫子郴陽范公昔在家食信情昭義修睦
講信引利闕弊以與郴之人企比有隙地環且以汲
急可鑿公曰昔哉僉曰諾乃揮鎔運簣以迄於尋常

有石格焉巨亡鑄以乘塵深叵測曰蓋易吾圖哉公
曰已哉言已泉全焉以出石渠渠焉未之竭唯是聞
者僉曰神哉既廼歷官中表起伯江藩行止在公旦
夜雜雜以政工乃和民乃亡慝乃進郡屬吏以與言
家修鄉輯裨復中外靡一不之及示法觀也汝賢以
奉新長與迄於石源故作而喟曰公真神人也已繇
皇進士以陟於皇監史以來旬於雄藩皇是
以南顧亡繇使有人已乃去藩以息於鄉且敦於故
居成用逸不淫於性眎是滔滔以湏於竭者不既神
已乎蒙有之山下出泉是故亡土固亡水也乃不於

土而於石未劇而休已潰而亡所窮不既尤神已乎
明庭尚能罔俾公神定必昌之後式克有今焉賢
不蓋望公若洋顧涵濡政化波及於亡隄於戲石源
非則固爲柳有已拜手稽首以頌其辭曰

柳江之右桂治之南通闌帶闡食指孔繁匪耕安食
匪鑿安飲既先厥疇可後厥井曷以副之大宗是先
巨甕細甌索索有年軒轅何氏引竇昭庸伯益何人
載勤以共邈已高平玄來茲土我公蘇山是胞是與
伊昔明揚剽劇越清允矣流馳展也芑萌乃祁休澣
言歸於里三組賁蒙爾桑爾梓乃睠州隣行輟止竭


乃告之羞推之悃幅乃經乃費乃匪其謀神其鼓舞
何旅弗瞻乃旂其噐乃攄其材簡傭程匠誕若子來
維畚與鍤藁裡載揚穴深穹屋迄於尋常群工奮已
廢閭相將曰水一生六成唯地五土焉居亡土何水
地既呈骨厥肌當空硃礪齟齬墳壤鴻蒙具曰嗟茲
公亦慨止之攻之挾不及斯已未挾未攻冰夷績焉
有本汨汨有末涓涓水兮石兮包括渾涵支機天橫
浮磬泗陬孰擿其寒孰枕其流乃宣之甍格彼滓泥
乃奠之甃永彼凋基乃薦犧牲告成於后乃試綆瓶
來需罔疲餉人斯炊餒人斯淪盤滌其蒙楮洗其惡

逍遙之澈昭哉隱淪獠奴之注下彼青雲唯峽未孽
龍虜遄飛泌之洋洋符昭乎詩吾聞之易或泥不食
乃乳其窟不膠斯洌吾聞之禮壺氏雲軍四方既同
辨脉著經胡爲乎齡胡爲乎僂胡爲乎藥托之冥冥
我思古人刺深以沸泰以卓山遠先扣地代以爲神
吾以謂常漢茲撮土豈土之精選聞戊巳廿仞疏勒
登封五丈房州千尺感章忠孝力罷幽入誰其忽焉
休工弛力維公清厚混混泠泠水原天澤橘井亡稱
公兮礪操去貪飲廉攄思若湧滋物何壞公和之室
如舍斯滂公瑞之廷如醴斯漿匪源何心言不可斷

匪石何腸言不可轉石源自公寧曰坎窞昔今薌溪
允承渥流陟 皇耳目淵源 國猷有漸八際有被
鉅公政浹化洽興若泮泮氓以井利士以蒙浚文瀾
既匝德器抑重重唯 帝擬德唯公惠并倣儻瑰瑋
豈淺有倫誠破厥石美巨其源維源泔淡維石巖巖
維其有之是以邁之公不自有還之鳩工鳩公歛然
曰孰與公承還獨却委之泰元泰元何說確介嘉馬
占數驩虞休休利利萬竈煙霏周爰五祀得漏江鄉
人酣 帝省趣之江藩投群枯吻西雨昔卷南雲故
騰騰逾卷邁章貢泓泓渺愚質木遐滴清濡竒踪入
耳孰侈醍醐昔湖今江齋輸博施全辭不謀而敢夸
毗於 皇急使驪我湘波壤慚男甸載擊載歌

洪西淙先生入覲幃辭

翟采西麾禮重大衡之選龍旂東顧心懸皇帝之旋
惠我不遲綏予有喜恭惟司考景鍾間從元呂教先
蒙發學裁俊士之游道郁晉明譽錫康侯之節精涵
德照妙徹化裁水豹文鱗斥揜群於海弋岐黃朱味
連暈載於雲車寵受士林樂胥民俗詞曰聲名籍全
浙並頌石畫奕奕星旂天水碧海內文章伯甘雨思
公真迫竹馬兒童江驛素心傳寄從龍客似我公清



P15

白

右調謁金門

孔東原先生考績幃辭

元會丕殷簡崇龍鳳之集大觀有造變成虎豹之文
 水鑑不私天功何有恭惟神懋家學祥開國華皇雅
 不群瞻起南山之節咳聲於赫蜚傳東魯之流錯烏
 載光黼黻比象南方朱鳥乘照接於魁繁北海文鯤
 仰變從於風化公歸有譽士造不愆詞曰秋雨霽極
 目卿雲天際煩公俄頃裁成計光動蟾宮桂入藪英
 雄秋雨揚勵濟濟文章名世淵河東望思嘉惠蚤振

即殺余余將絕飲食待盡叔父聞之曰癡兒是相者
 之口也且彼之閹人亦豈能一一中之而汝惑之深
 耶汝有此心是汝身之所由生也乃遣疑累及
 汝才就傳於外汝才與伯憲不能與汝器相上而孝
 友天至殆若過之余叔父常使余與汝才佐餽於余
 祖母余未至不敢先食余母病不離房戶治甘滑進
 羞必求中病者夜不解帶呼輒應輒起母曰我病已
 不復可為汝宜遠我勿近恐病氣乘人當在孺子耳
 汝才曰使兒得從我母於黃泉亦復何恨背乃日涕
 泣傷其肺肝疾發於面鼻黯黑如墨庚辰四月余母

死汝才亦死余泣曰雷生之言乃大驗耶汝才死閱月而叔父之子汝蕢乃生余曰余弟也愛之日抱持之能學言笑卽親媚於余呼余曰親哥余呼之則哆然而笑俛然入於余之懷後聞余哭汝才則拉余衣曰弟弟在此丙戌七歲余從京師來歸教之讀中庸旣成誦手自點書不差一字余心喜焉一日晝寢祖母呼其親哥惟喉中突突作讀書狀余夜半渡錢塘迎醫風潮大作舟幾覆醫來不能爲三日遂卒復減汝才兩歲余泣曰汝有同父之弟三人不能留其一則亦已矣乃至於不能留同祖之弟耶爲之歛之葬

而並諸汝才墓二墓在山北與嘉樹莊對汝多墓去二墓南一步不墳汝器墓在山之東與汝蕢之女兒生三歲而殤者並去汝蕢墓四十步皆密近曾祖直菴府君歲祭掃使亦得隨奠食焉嗚呼余嘗讀書至鶴鳴在原兄弟急難以爲兄弟之親宜如影之於形行止坐立隨之盤旋余旣不能以身代余弟之死求爲之急難已不可得而徒數過其墓躑躅彷徨將起其身一愬余之氣獨而余弟不復聞之矣是余弟雖欲急難於余亦將無以用其情也因名其葬處曰鶴鳴原以志幽明之心嗚呼古之淳篤之士以崇德致

福有至十五六人者余之相雖惡亦人耳而余弟乃不免焉是余之不德足以殺弟而非相之罪也夫伯叔父母孰不欲昌大其後明作陰積以授子孫而祖宗之心尤疊疊焉臨而望之而余乃以不德之身同於操刀以殺弟是余不惟不能自解於殺弟之誅而且得罪於父叔得罪於祖宗矣夫得罪於父叔與祖宗者法無赦猶將不能自立於天地之間余之難莫此爲急而余弟亦復無所用其情也嗚呼痛哉

懷椿堂記

南服朱子爲堂以懷椿也晦明風雨昕晡朝夕凡諸感觸不可告人惟茲是寄久而精怳怳若有臨或曰孝夫朱子之爲堂以懷椿也貞而不變思而成可謂孝矣晉王裒讀詩至蓼莪三復流涕門人惻之廢而

不受也夫六經仁孝之理備矣裒獨有感於蓼莪哉君子以餘力學文有日用之常矣烏能日諷詠之以志感也父子之倫天性不可解於其心又胡爲乎有待焉而後能感而遂廢而不受則亦將至於無感而後已乎古之人有刻木以貌其親者矣皇皇焉無所奉承而假諸木木與吾親不相關也是故爲堂以懷椿也以感之意名諸堂非因堂而後感也且又不忍

求親於堂而遂且止晦明風雨昕晡朝夕惟茲是寄而無待焉者也可謂孝矣來子曰有是哉吾聞之昔者韋齋之沒文正公年十四年耳遂奉其教命以與天下之士相周旋故能爲世大儒而百世之下翕然稱之曰嗟呼是韋齋先生之子是故君子之事親也有義榮矣徼取一時之富貴謂之顯榮謂之能懷其親內愧而不忍聞之九原也不得爲孝朱子以余言爲然哉本仁而不私抱義而不俗值德而恒守道而酌克經濟之材而不小自用使其親安有義榮孝子之至也是故文正公並跡聖賢而始紫陽名堂以答韋齋可不謂善用其懷已乎夫身親之有也夫親之心將使吾徒有是身哉懷之誠是也則孝子之所以懷其親者必將體親之心以自進於文正公不然則日歌哭於斯亦哀而已矣而况朱子生八年而失澹菴其奮迅規爲又當有早於文正公者朱子仰天而嘻曰袍記之矣菲泉來汝賢記

雲莊記

去龍潭五里鄉曰長興有平原一通澤浚而土膏物理張王又其地脉敷湊不生蝮蟻多収於他鄉不憂水旱余兄汝方甫世業其中庚辰之秋作讀書屋數

楹於落星湖之上昕晡閑暇歌詠其性情覽古今見
有激發處輒復倚楹高嘯招孫登阮籍崇陵遠岫之
間流雲四興欣然會心樂而不能去園桃天天棗下
纂纂角巾夕陽與氣送迎八月大穫秬秠粟芳露
所滋裒然黃植奄觀銍艾如束錦雲汝方甫嘯而言
曰以是寓我遂名之曰雲莊而屬其弟汝賢爲之記
夫雲天地之英潤也龍潛於淵神變化雨下土非雲
莫之或興天下有方三四百里之旱泉涸弗出百植
不甦塵浮於面目老穉伐鼓暴尪顧瞻天際垓北一
色當是之時苟有蜀車魯馬楚日秦人英英稍見於
昭回之間則人誰不鼓舞踊抃欣其更生者是說澤
之功龍受於雨而望先於雲也故山川之神有能出
雲見怪物者名之曰岳汝方甫德潤而道滋仁賢洽
於州里五子者會靈而生必將爲霖爲霖以代其終
而以潤德施於天下人之受其滲漉者如秋之有成
則雲莊者固雨之旅次而不有其功者也雲莊子笑
而不言遂書之以爲記

兩槐書屋記

雲莊真逸屏絕衆好融融遂世俗可喜可怒可羨
可慕中熱忻樂啓態而未必得者雲莊子泠泠然一

笑而空之曰吾何憂吾何愛呼五子立於房戶之間
詔之曰爾來爾來古之聖人懼烝民之弗若於典也
常言之而爲六經備言之而爲諸史繹言之而爲傳
危言之而爲子家言之而爲集爾父獨心好之四方
之梓者幾備矣爾尚知訓之哉乃手植兩槐鬱落蕪
莽雨露遲來日光不漏五子讀書其中靜如也謂其
從弟汝賢曰子盍爲我記之乃盛陽之月入其中陰
密而空軒軒若屋乃感而歎謂諸姪曰若知槐之爲
木乎夫槐天下之良材也托根平林不與衆木雜處
比其長也行路之人有陰被焉用世之道也子盍思
之我鼻祖龍圖公致身宋朝芳潤及乎後昆我蕭山
之來氏此其根也枝暢而葉舒仁義之訓世世相守
當元之季無有珥官於朝者雖郡縣之小佐譜牒亦
無有焉豈其人之不學哉晦處於睽孤以待天下之
清耳公貴亞魁以尚書舉第竟不遂其設施然開先
而發華寔爲之兆兩山夫子以來則當大寧之時龍
旂朱紱峻功被于西夏日月所照矐矐熙熙則固木
之漸也爾祖靖菴先生生有貞德恬愉無欲塵俗亦
不入其心爾父又承休光而將順之栽培灌溉槐之
得氣多矣爾乃天下之良材哉爾尚勉之正爾身毋

以衆好奪汝心靜爾德毋以紛華蕩汝之力惟日孜孜求所謂放心者而收斂之則本固株堅而章美之以時發者可以庇天下矣自古隱德之士弘積世克不在其身在於子孫乃天理之自然者耳故曰天之生物必因材而篤焉故栽者培之爾當記之哉王佑三槐發之文正文正者致位宰相而其勛業所就終有愧于古之純臣是佑之所望止於名位其勢固然也爾父方將以聖賢之學教爾爾當慎擇之哉孟子曰牛山之木嘗美矣人見其濯濯也以爲未嘗有材焉是豈山之性也哉夫豈惟山之性抑亦非山之欲

爲人子者孝成其身而仁不過物則親心之欲矣朱子之報韋齋張子之報魏公豈以名位者哉而天下後世不敢名其父夫朱子張子天下之良材也予辱在叔父敢以是記菲泉汝賢承兄命漫書

習齋記

瑞泉程子玩心大道之際而以習名其齋也問於來子來子曰子既知所以習之矣而尚予言之微乎雖然敢告吾子夫習天地之所立心也聖人之所定命也君子之所作德也而豈數數然者之謂乎夫習必原於心而辨於迹心也者天倪之所起也而寓諸旁

行故退藏於密而非內也泛應百端而非外也心也者理也理也者性也性也者命也君子窮理盡性以至於命所以習心也心習而天下之變定於此矣惡乎內惡乎外君子集義以順動而主敬以直心是故動靜合幾而天人合分也謂之致一積久而天地昭焉萬物忻焉遂成而莫之天闕也謂之同歸世之人守其虛寂之心而求以凝道抑或役役於文章之迹而欲因緣以見心皆支離之為習也終身兀兀而不見成功悲夫道一而已矣君子所習而安者道之體也所由而樂者德之用也聖人經世之迹其肇於此

予夫君子之用其習也則致一而已矣一則又又則神神則天君子述天理而時措之所以習天也故始於不息而終於乾行程子而欲勿忘其習也其尚志於斯乎夫士希賢賢將誰希願程子之母讓也程子曰辱也亦何志又辱在世講其與子共習之

長下 紹義橋記

縣從南津廢浮橋殆百十稔義民徐金始捐金百為石橋以行涉者人曰善夫徐翁之能以義濟人也遂以名橋嘉靖乙酉橋圯於鴻水壬辰冬余來治縣維時飛霰來下懍氣切膚川舟膠於增水之間南北絕

渡余方召鄉子弟受約會鄉子弟率浮以濟赤立庭下閩口齒相擊不能出聲亟謀新之爰眎其藏無有羸材又始至縣方務息民不欲以役動集謂父老曰誰有能輕資樂事繼金之義者乎金族子灝來告曰是役也灝願承之不以勞侯思迺既伐石浮雲之山費凡金亦百彊予傭作既食牢醕與車舟道路轉移之資復當其半癸巳亥月朔橋成余登望之盤盤焉結絡四鄉麗隍廓之要會持滾流之嶮介行旅宵征民有忤色而余不與其功灝迺請余書諸柱余曰有是哉已則厚費而與余以興利之名義之所不敢受

也夫灝夫亦繼爾先人之義則已爾夫義必集而後生生而不已則積積而不已其發也必有受其祉者矣夫知修橋之爲義而它事否焉非可繼之道也夫灝敘爾宗鄙受爾比隣順履以樂生而約思以循分雖不必於橋之修凡事之可爲而類於修橋者皆義也是灝之父兄子弟咸遠利而近義以相繼也欲弗引以昌不可得也夫苟逖爾宗鄙爭爾比隣豐殖以越志而錯武以逮辜譬鴻水之震蕩我梁石泐嶮我匡隳而無所防也杯水救車薪之火者也是灝之父兄子弟終遠於義而率利以相繼也欲世其家亦不

可得也故曰與其溺於人也寧溺於川溺於川尚可游也溺於人不可救也故古之質氓保姓定宗必放於義故曰積善之家必有餘慶積不善之家必有餘殃夫積善之道莫大乎繼義在夫人擇而處之耳因更名其橋爲紹義以示徐氏之爲父子兄弟者且以道民夫金之孫弟子員國華溫直好學殆金之餘慶其從余受學也辨義利之端灑而質焉知余言之有徵矣

查正丁糧格冊記

此縣冊弊胥史率以遲日月爲利司籍者不復稽察束手與之使衣食其中是故三年而未成也飛懸詭漏之奸百變而小民不勝其弊矣七月余歸自西昌受訟者之懇擇子弟之敏事者六人與之酒使合家事朝夕分鄉按籍而躬督磨之凡七浹旬飛懸詭漏咸自斷正復得隱糧五百六十石有奇登下生死丁口五倍之餘糧七十三石弊世久無所歸留以待民之墾田者否則官爲之處散諸眇晦視鄉之數別爲格冊十二間長縱而編氓衡統之也甲圖與鄉都各書其總以達于縣而數可知矣慎歲之勿使私易一年入征十年治役有弗均者乎此六人者可謂任怨

畢公矣用書其名曰王元道廖興哲徐廷爵徐廷哲
廖興儼紀勞也

